

四庫全書

史部

欽定四庫全書

史部

長安志卷一至四

詳校官左都御史臣李綬

編修臣程嘉謨覆勘

總校官編修臣王燕緒

校對官中書臣李奎

謄錄監生臣任楫文

欽定四庫全書

史部十一

長安志

地理類七古蹟之屬

提要

臣等謹按長安志二十卷宋宋敏求撰敏求  
有唐大詔令已著錄是編皆考訂長安古蹟  
以唐韋述西京記踈畧不備因更博採羣籍  
叅校成書凡城郭官府山川道里津梁郵驛  
以至風俗物產宮室寺院織悉畢具其坊市

曲折及唐盛時士大夫第宅所在皆一一能舉其處粲然如指諸掌司馬光嘗以為考之韋記其詳不啻十倍今韋氏之書久已亡佚而此志精博宏贍舊都遺事藉以獲傳實非他地志所能及程大昌雍錄稱其引類相從最為明晰然細細校之亦不免時有駁複如曲臺既入未央而又入之三雍是分一為二矣長門宮在都城之外長門亭畔而列諸長

信宮內則失其位置矣况宮殿園囿又多空  
存其名不著事蹟則無可尋繹矣云云其說  
雖不為無見實則凌雲之才不可以寸朽為  
病也敏求尚有河南志與此凡例稍異而並  
稱贍博今已不存又楊慎丹鉛錄謂杜常華  
清宮詩見長安志詩中曉風乃作曉星檢今  
本實無此詩蓋慎喜偽托古書不足為據非  
此志有所殘缺惟晁公武讀書志載有趙彥

若序今本無之則當屬傳寫佚脫耳乾隆四十六年六月恭校上

總纂官

臣

紀昀

臣

陸錫熊

臣

孫士毅

總校官

臣

陸費墀

臣

陸費墀

臣

長安志原序

雍之為都涉三代歷漢唐之全盛世統屢更累起相襲  
神靈所儲事變叢聚宜其較然有明冊大典暴天下耳  
目而圖牒殘脫宿老無傳求諸故志唯韋氏所記為一  
時全書遺文古事悉散入他說班班梗槩不可復完非  
好學深思博物善作孰能盡收其軼而追成之長安志  
者今史官諫議大夫龍圖閣學士常山公所定著也公  
以文章世家為朝廷名臣器業之餘紀述自命蓋考論

都邑網羅舊聞詞人所銳精而載筆之先務也近代建  
 國率繇西遷崤函之區陶冶渭洛實上游要會最重之  
 地而彫毀零落寢就堙沒將無以自振校之本末先後  
 二京已錄固不得獨闕於此前在河南旁接三輔嘗有  
 意於搜采矣然猶未遑暇又踰二紀乃創屬體緒纘次  
 其言窮傳記諸子鈔類之語絕編斷簡靡不總萃彙括  
 而究極之上下泱通為二十卷用備舊都古今之制俾  
 其風壤光塵有以奮於永久故夫府縣有政官尹有職



河渠關塞有利病皆干於治而施於用取諸地記集而  
讀之而後見其法叙列往躅遠者謹嚴而簡近者周密  
而詳各有所因布規模猶親處其世畫里陌同經行之  
熟而後見其功自本而推始終大畧其所昭發又不特  
如是而已竊嘗望丹鳳門故址勢侔碣石疑非人力所  
為自想當時真偉觀也及驗未央建章殿堂宮闕之峻  
則其繁夥宏廓氣象飛動過大明遠甚以漢室之隆兼  
制夷夏非壯麗無以重威亦可信也復上觀於周唯有

鎬京靈臺辟雍明堂豐宮詩所謂經始勿亟庶民子來  
又稱自西自東自南自北無思不服昔之與衆同樂遂  
物之性所以致之之效乃能至於此乎察其故專尚簡  
易儉約曾不言形勝強富益知仁義之尊道德之貴彼  
阻固雄豪皆有不足漢唐之迹更為可羞於乎盛夫若  
然得以貢於明朝監千載餘敝修豐鎬故事以澤吾人  
豈曰小補哉熙寧九年二月五日太常博士充集賢校  
理崇文院檢討

原闕  
四字同知缺

丞事趙彥若撰

欽定四庫全書

長安志卷一

宋 宋敏求 撰

總叙

分野

土產

土貢

風俗

四至

管縣 戶口

雜制

總叙

京兆府

治萬年長安二縣

尚書禹貢雍州之域舜置十二牧雍

其一也又古豐鎬之地周文武之所都毛詩曰作邑于

豐又曰宅是鎬京

豐邑在豐水之西鎬京在豐水之東武王作邑在鎬京

漢書曰

文王作豐

師古曰今長安西北界靈臺鄉豐水上是

武王治鎬

師古曰今昆明池北鎬陂

是世本曰武王在豐鄠

杜預左氏傳注曰豐在始平鄠縣東說文曰鎬在上林苑中鎬



曰在長安東名桃林塞師古曰取河華之固為扼塞耳非桃林也塞音先代反董翳為翟王都

高奴今延州金明縣謂之三秦漢高祖元年更雍州為

渭南郡五年高祖在洛陽從婁敬說始都之

漢書曰秦地於禹貢

時跨雍梁二州九年罷渭南郡復為內史景帝分置左

右內史此為右內史三輔黃圖曰武帝太初元年改內

史為京兆尹以渭城以西屬右扶風長安以東屬京兆

尹長陵以北屬左馮翊以輔京師謂之三輔又置三輔

中輔理華陰左輔理高陵右輔理郿兼三都尉亦曰六

輔胡廣漢官解詁曰三輔典境理人與守職問事俱在長安城中又置司隸校尉三輔咸屬東方朔

曰三輔之地南有江淮北有河渭汧隴以東商雒以西

厥壤肥饒此所謂天府陸海之地也王莽分長安城旁

六鄉置帥各一人分三輔為六尉郡師古曰三輔黃圖云渭城安陵以西

北至栒邑義渠十縣屬京尉大夫府居故長安城高陵

以北十縣屬師尉大夫府居故廷尉府新豐以東至湖

十縣屬翊尉大夫府居城東霸陵杜陵東至藍田西至

武功郁夷十縣屬光尉大夫府居城南茂陵槐里以西

至汧十縣屬扶尉大夫府居城西長陵池陽以

北至雲陽殺襜十縣屬列尉大夫府居城北更始元

年三輔各復其舊光武都洛陽以關中地復置雍州領

縣十尋罷復置司隸校尉統三輔如舊獻帝時董卓謂  
陳紀曰三輔平敞四面險固土地肥美號曰陸海遂都  
長安魏文帝分河西為涼州隴右為秦州改京兆尹為  
太守馮翊扶風各除左右仍以三輔屬司隸晉省司隸  
於長安置雍州統京兆馮翊扶風安定始平北地新平  
七郡州治京兆郡惠帝永安元年張方劫帝幸長安光  
熙元年六月還洛陽愍帝之後劉聰劉曜石勒苻健苻  
堅姚萇相繼竊據之勒復置雍州健置司隸校尉堅分



司隸為雍州分京兆為咸陽郡

長改長安  
曰常安

長孫泓為劉

裕所滅東晉復置雍州及京兆郡尋為赫連勃勃所破

遣子瑣鎮長安號曰南臺後魏太武始元元年破赫連

昌以其地置秦雍南秦三州雍治京兆秦治天水南秦

治伏羌雍州領京兆馮翊扶風咸陽北地等五郡三十

一縣京兆郡領縣八

長安杜城鄠山北新  
豐霸城陰槃藍田

孝武永熙三

年自洛遷都長安號西魏復置京兆尹

北史曰後周明  
帝二年六月分

長安為萬年縣並居京城改雍  
州刺史為牧京兆郡守為尹

後周與隋因之開皇三

年自漢長安故城東南移二十一里遷都龍首川改京兆尹為雍州大業三年改州為京兆郡統縣二十二唐武德元年復為雍州以古雍州之地分為關右隴右二道後改為關內道三年分武功好畤蓋屋扶風四縣置稷州以武功好畤蓋屋來屬十七年廢宜州以華原同官二縣來屬天授元年改雍州為京兆郡其年復為雍州二年分始平武功奉天蓋屋好畤等縣復置稷州分雲陽涇陽醴泉三原富平美原等縣置宜州大足元年

廢鴻宜鼎稷四州以始平等一十七縣來屬開元元年  
改雍州為京兆府天寶元年以京城為西京京兆府領  
縣二十二三年置十五道採訪為京畿道至德二載曰  
中京元年建丑月停京名尋曰上都自周秦歷漢晉西  
魏後周隋唐並為帝都天祐元年昭宗東遷于洛降為  
佑國軍梁開平元年改府曰大安二年改軍曰永平後  
唐同光元年復為西京府曰京兆晉天福元年改軍曰  
晉昌漢乾祐元年改軍曰永興其府名仍舊本朝因之

所載皆用圖經舊文按圖經所出盡取唐梁載言十道志

### 分野

周禮保章氏以星辨九州之地所封之域皆有分星在天官書東井輿鬼為雍州之分兼得趙魏之交漢書地理志曰自東井十六度至柳八度為鶉首于辰在末秦

之分也廣雅曰北斗樞為雍州尚書禹貢黑水西河惟

雍州

西據黑水東距西河

弱水既西涇屬渭汭漆沮既從豐水攸

同

言三

荆歧既旅

旅謂可祭也

終南惇物至于鳥鼠

謂終南惇物二

山西南至于鳥鼠山也

原隰底績至于豬野

言原隰皆可致功今武威郡姑臧縣即豬

野三危既宅三苗丕叙

三危山名言可居也三苗即有苗氏為亂徙長沙間皆大得其

次序厥土惟黃壤厥田惟上上浮于積石至于龍門

皆河水所浮

會于渭汭

近流曰會

周禮職方正西曰雍州其山鎮曰嶽山

數曰弦蒲川曰涇汭浸曰渭洛其利玉石兼得禹貢梁

州之地周自武王克商都鄴鎬則雍州為王畿及秦孝

公作為咸陽築冀闕徙都之故謂之秦川亦曰關中地

按三輔黃圖曰始皇表河以為秦東門表汧以為秦西

門西門一作西川賈誼過秦論云踐華以為城又班孟堅西都

賦曰左據函谷二嶠之阻表以太華終南之山右界褒斜隴首之險帶以洪河涇渭之川張平子西京賦曰廣衍沃野厥土上上實為地之奧區神臯

土產

周禮職方氏雍州其利玉石其人三男二女畜宜牛馬穀宜黍稷漢書地理志曰雍州有鄠杜竹林南山檀柘號稱陸海為九州膏腴師古曰言其地高陸而饒物產如海之無所不出故云陸海腹

之下肥曰腴  
故取喻云

班孟堅西都賦曰陸海珍藏藍田美玉竹

林果園芳草甘木郊野之富號為近蜀

藍屋產芎藭白芷烏頭澤瀉三

稜華原產芍

藥赤石脂

### 土貢

禹貢雍州厥貢球琳琅玕唐十道圖貢葛紗鞞羶蠟

席酸棗仁地骨皮藕粉葛粉櫻桃紫稗粟大小麥麩晉

天福中並停今止貢酸棗仁地骨皮充正旦庭實其外

歲貢興平酥咸陽梨不列方物貨殖傳曰關中由汧雍

以東至河華膏壤沃野千里自虞夏之貢以為上田

風俗

漢志曰秦有四塞之固昔后稷封釐

音郃

公劉處豳大王

徙郊音岐文王作豐武王治鎬其民有先王遺風好稼穡

務本業故豳詩言農桑衣食之本甚備始皇之初鄭國

穿渠引涇水溉田沃野千里民以富饒漢興立都長安

徙齊諸田楚昭屈景及諸功臣于長陵後世徙吏二千

石高些富人及豪傑并兼之家于諸陵蓋以彊幹弱支



非獨為奉山園也是故五方雜錯風俗不純其世家則  
好禮文富人則商賈為利閭里豪傑則游俠通姦瀕南  
山近夏陽多阻險輕薄易為盜賊常為天下劇又郡國  
輻湊浮食者多民去本就末列侯貴人車服僭上衆庶  
放效羞不相及嫁娶尤崇侈美送死過度故漢時京輔  
稱為難理又隋書地理志曰京兆王都所在俗具五方  
人物混淆華戎雜錯去農從商爭朝夕之利游手為事  
競錐刀之末貴者崇侈靡賤者薄仁義豪強者縱橫貧

窶者窘蹙桴鼓屢驚盜賊不禁此乃古今之所同風也  
春秋說題辭曰秦金精堅故秦俗亦堅詩含神霧曰秦  
地處仲秋之位男柔弱女高膝膝明也落蕭反白色身音中商  
其言舌舉而仰聲清而揚

四至

東至東京

一千二百七十里

東至西京

八百五十里

東至華州

一百八十里

東南至商州

二百六十五里

南取庫谷路至金州

六百八十里西

南至洋州

六百四十里

正西微北至鳳翔府

三百一十里

西北至

邠州三百里北至坊州三百五十里正東微北至同州三百五十里

北至耀州一百八十里西北至乾州一百六十里

管縣

漢

京兆尹故秦內史高帝元年屬塞國二年更為渭南郡九年罷復為內史武帝建元六年分為右內史

太初元年更為京兆尹元始二年戶十九萬五千七百二口六十

八萬二千四百六十八師古曰漢之戶口當元始時最為殷盛

縣十二

長安

戶八萬八千二百十四萬六千二百

新豐

船司空

莽曰船利服虔曰縣名師古曰

本主船之官遂以為縣

藍田

華陰

鄭

湖

下邳

南陵

奉明

宣帝置

霸陵

杜陵

左馮翊

故秦內史高帝元年屬塞國二年更名河上郡九年罷復為內史武帝建元六年分為左內史

太初元年更名左馮翊

戶二十三萬五千一百一十九萬七

千八百二十二

縣二十四

高陵

櫟陽

翟道

池陽

夏陽

衙

粟邑

谷口

蓮勺

如淳白音輦酌

郿

頻陽

臨晉

重泉

莽曰郿調泉

郿

陽

祿禰

武城

沈陽

莽曰制昌

襄德

徵

今澄城縣

雲陵

昭帝

置

萬年

長陵

陽陵

雲陽

右扶風

故秦內史高帝元年屬雍國二年更為中地郡九年罷復為內史武帝建元六年分為右內史

太初元年更名主爵都尉為右扶風師古曰主爵都尉本秦之主爵中尉掌列侯至太初元年更名右扶風而治于內史右地故此志追書建元六年分為右內史又云更名主爵都尉為右扶風

六千三百七十七口八十三萬六千七十

縣二十一

渭城

槐里

鄠

盩厔

釐

郁夷

韓詩周道郁夷有  
泃水祠莽白郁

平美陽

郿

雍

漆

柁邑

隃廩

陳倉

杜陽

汧

好畤

虢

安陵

茂陵

平陵

武功

後漢

京兆尹

其四縣建武十五年屬  
雒陽西九百五十里

十城戶五萬三千二百

九十九口二十八萬五千五百七十四

長安

霸陵

杜陵

鄭

新豐

藍田

長陵

商

上雒

陽陵

左馮翊

雒陽西六百八十八里  
錄注曰馮馮也翊明也

十三城戶三萬七千

九十口十四萬五千一百九十五

關中記曰三輔舊治  
長安城中長吏各在

其縣治民光武東都之後扶風出治槐里馮翊  
出治高陵三輔黃圖曰扶風治所在夕陰街北

高陵

池陽

雲陽

祓祠

頻陽

萬年

蓮勺

重泉

臨晉

郃陽

夏陽

衙

粟邑

右扶風

決錄曰扶風化也

十五城戶萬七千三百五十二口九

萬三千九十一

槐里

安陵

平陵

茂陵

鄠

郿

武功

陳倉

汧 隃麋 雍 枸邑 美陽 漆 杜陽

晉

雍州統郡國七縣三十九戶九萬九千五百京兆郡

統縣九戶四萬

長安 杜陵 霸城 藍田 高陵 萬年 新豐

陰般 鄭

馮翊郡

統縣八戶七千七百

臨晉 下邳 重泉 頻陽 粟邑 蓮勺 郃陽

夏陽



扶風郡

統縣六戶  
二萬三千

池陽

郿

雍

汧

陳倉

美陽

安定郡

統縣七戶  
五千五百

臨涇

朝那

烏氏

都盧

鶻獻

陰容

西川

北地郡

統縣二戶  
二千六百

泥陽

富平

始平郡

秦始皇三年置統縣  
五戶一萬八千

槐里

始平

武功

鄠

蒲城

新平郡

新置統縣二戶二千七百

漆 汾邑

隋

京兆郡統縣二十二戶三十萬八千四百九十九

大興

長安

帶郡仙都福陽太平等宮

始平

故置扶風郡開皇三年郡廢

武功

盩厔

醴泉

上宜

開皇十七年置有舊莫西縣十八年改名好時大業三年廢入焉

鄠

藍田

新豐

華原

宜君

同官

鄭

渭南

萬年

高陵

三原

涇陽

雲陽

富平

華陰

唐

京兆府京兆郡本雍州開元元年為府天寶元年領戶  
三十六萬二千九百二十一口百九十六萬一百八十  
八

縣二十三

有府百三十一曰真化匡道水衡仲山新城寶泉善信鳳神安業平香太清餘皆逸

萬年 長安 咸陽 興平 雲陽 涇陽 三原

渭南 昭應 高陵 同官 富平 藍田 鄠 奉

天 好畤 武功 醴泉 華原 美原

本朝

京兆府

梁以同官奉先二縣屬同州以富平三原屬耀州以奉先還隸漢以商州乾祐來屬周以渭南

屬華州建隆中復以奉先隸同州乾德二年以好畤屬乾州領縣十三治萬年長安

戶五萬二千七百二十

萬年 長安 鄠 藍田 咸陽 醴泉 涇陽 櫟

陽 高陵 興平 臨潼 祥符八年到唐昭應縣大中 武功 乾祐

耀州 渠州鎮縣七治華原

戶一萬七千八百二

華原 富平 三原 雲陽 同官 美原 淳化  
淳化

四年外雲陽  
梨園鎮為縣 乾州 中州鎮縣  
三治奉天

戶九千三百七十一

奉天 好時 永壽  
古豳國之地

華州

渭南 戶五千六十三口一  
萬一千二百四十七 蒲城 戶二萬九百八十口  
三萬二千五十五

鳳翔府

盩厔 戶五千四百五十三口  
二萬一千四百一十二

雜制

開寶九年詔建漢文帝廟去灞橋鎮二十里景帝廟去  
中橋鎮十五里宣帝廟去巡鎮二十里令本府各移鎮  
就廟安置鎮將勾當灑掃又周武王廟在咸陽縣郭下  
漢高祖廟去長安四里武帝廟去咸陽縣五里唐太宗  
廟去醴泉縣三百二十步肅宗廟去甘北巡鎮三里餘  
縣令主簿勾當灑掃又周文王廟成王廟各去咸陽縣  
一十五里康王廟去咸陽六里秦始皇廟去昭應縣一

十里後周太祖廟去富平縣鎮一十三里耀州唐高祖廟去三原縣鎮一十八里宣宗廟去雲陽縣鎮四十里今移縣就廟縣令主簿勾當灑掃若舍屋摧毀當議勘斷令吏部銓曹應上任罷任交割批書厯子如批到舍屋摧毀未得與官不批者仰銓曹牒問本州如廟宇不曾摧毀即依長定格式批例殿最其鎮將若致舍屋摧毀當議決斷勒停

長安志卷一



欽定四庫全書

長安志卷二

宋 宋敏求 撰

雍州

京都

京兆尹

府縣官

雍州

尚書禹貢曰黑水西河惟雍州厥貢惟球琳琅玕浮于

積石至于龍門西河

爾雅曰河西曰隄州注自西河至黑水疏李巡曰河西

其氣蔽壅厥性急凶故曰雍雍壅也兼得梁州之地西

北之位陽所不及陰壅也

晉太康地記曰以其四山之故以雍名焉亦謂西北之

位陽所不及陰氣壅闕也

春秋元命苞曰東井鬼星散為雍州分為秦國東距穀  
阪西有漢中南含高山北阻居庸雍壅也得東井動深  
之萌其氣險也

春秋文耀鉤曰華岐以北龍門積石南至三危之野雍州也屬魁星

釋名曰雝州在四山之內雝翳也

應劭注漢書曰四面積高曰雍

郊祀志自古以雍州積高神明之隩故立時郊

上帝

呂氏春秋曰西方為雍州

晉摯虞雍州詩曰於皇先王經啓九有有州維雍居京之右土載奧區山苞神藪嘉生惟繁庶類伊阜悠悠州

域有華有戎外接皮服內含岐豐周餘既沒遺德未終  
莫不慕義易俗移風漢揚雄雍州箴曰黑水西河橫截  
崑崙邪指閭闔畫為雍垠上侵積石下礙龍門蓋安不  
忘危盛不諱衰牧臣司雍敢告綴衣

京都

釋名云都者國君所居人所都會也邑猶俛聚會之稱  
也尚書大傳曰十邑為都

周禮曰四縣為都又曰距國五百里為都

春秋左氏傳曰邑有先君宗廟之主曰都

春秋公羊傳曰京師者天子之居也京者大也師者衆也天子之居必以衆大之辭言之

白虎通曰京都者何謂也千里之邑號也明什倍諸侯法日月之徑千里或曰夏邑殷為商邑周為京師帝王世紀曰天子畿方千里曰甸服甸服之內曰京師又曰天子所宮曰都

風俗通曰京謂非人力所能成天地性自然也京師義

亦取此

三輔決錄注曰京大也天子曰兆民

五經要義曰王者受命創始建國立都必居中土所以總天地之和據陰陽之正均統四方以制萬國者也

王嬰古今通論曰崑崙東南方五千里謂之神州州中有和美鄉方三千里五岳之城帝王之宅聖人所生也  
譙周法訓曰王者居中國何也順天之和而同四方之統也

帝王世紀曰古公亶父是為大王以修德為百姓所附  
狄人攻之以皮幣事之不得免焉又事之以玉帛不得  
免焉又事之以犬馬不得免焉遂策杖而去止於岐山  
之陽邑于周地故始改國曰周幽人聞之曰仁人不可  
失也東循而奔從之如歸市焉一年而成三千戶之邑  
二年而成都三年五倍其初王於是改戎俗築城郭立  
宗廟設官司即詩所謂乃召司空乃召司徒俾立室家  
其繩則直作廟翼翼築之登登削屢馮馮者也周道之

端蓋自此始

史記曰婁敬齊人漢五年戍隴西過洛陽高帝在焉敬

脫輓輅

蘇林曰一木橫車前一  
人推之輅音胡格反

衣其羊裘因齊人虞將

軍見上說曰陛下都洛陽豈欲與周室比隆哉上曰然

敬曰陛下取天下與周室異周自后稷堯封之邠積德

累善十有餘世成王即位廼營成周洛邑以此為天下

之中也諸侯四方納貢職道里均矣有德則易以王無

德則易以亡凡居此者欲令務以德致人不欲依阻險



令後世驕奢以虐民也及周之盛時天下和洽四夷鄉

風慕義懷德附離而並事天子

莊子曰附離不以膠漆也

不屯一卒

不戰一士八夷大國之民莫不賓服効其貢職及周之衰也分而為兩天下莫朝周不能制也非其德薄也而形勢弱也今陛下與項羽戰滎陽爭成臯之口大戰七十小戰四十使天下之民肝腦塗地父子暴骨中野不可勝數哭泣之聲未絕傷痍者未起而欲比隆於成康之時臣竊以為不侔也且夫秦地被山帶河四塞以為

固卒然有急百萬之衆可具也因秦之故資甚美膏腴之地此所謂天府者也陛下入關而都之山東雖亂秦之故地可全而有也夫與人鬪不搯其肱

張晏曰肱喉龍也

拊

其背未能全其勝也今陛下入關而都案秦之故地此亦搯天下之肱而拊其背也高帝問羣臣羣臣皆山東人爭言周王數百年秦二世即亡不如都周上疑未能決及留侯言之上即日駕車西都關中賜敬姓劉氏拜郎中號奉春君

又曰田肯說高祖曰陛下治秦中

如淳曰時山東人謂關中為秦中秦

形勝之國

張晏曰秦地帶山河得形勢之勝便者

帶河山之險縣隔千里

持戟百萬秦得百二焉

應劭曰山河之險與諸侯相懸隔地絕千里所以能擒諸侯者

得天下之利用二也李斐曰河山之險內地勢高順流而下易故天下於秦懸隔千里持戟百萬秦得百二焉蘇

林曰得百中之二焉秦地險固地勢便利其以下兵於

諸侯譬猶居高屋之上建瓴水也

如淳曰瓴盛水瓶也居高屋之上而幡瓴

水言其向下之勢易也建音蹇

晉灼曰許慎曰瓴甕似瓶者

漢書曰劉敬說上都關中上疑之左右大臣皆山東人

多勸上都雒陽雒陽東有成臯西有穀澠背河鄉雒其

固亦足恃張良曰雒陽雖有此固其中小不過數百里

地薄四面受敵此非用武之國夫關中左穀函右隴蜀

沃野千里南有巴蜀之饒北有胡苑之利

師古曰謂安定北地上郡

之北與胡相接之地可以畜牧者也養禽獸謂之苑

阻三面而固守獨以一面東

制諸侯諸侯安定河渭漕輓天下西給京師諸侯有變順流

而下足以委輸此所謂金城千里天府之國

師古曰財物所聚謂

之府言關中之地物產饒多可備贍給故稱天府也

劉敬說是也於是上即日駕

西都關中

後漢杜篤論都賦夫大漢之盛世藉雍土之饒得御外  
理內之術孰能致功若斯創業於高祖嗣傳於孝惠德  
隆於太宗財衍於孝景威盛於聖武政行於宣元侈極

於成哀祚缺於孝平傳代十一歷載三百

高祖至平帝  
十一代歷涉

也合二百一十四年此言三  
百者謂出二百年涉三百年德衰而復盈道微而復彰

謂呂氏亂而文帝興  
昌邑廢而宣帝中興皆莫能遷於雍州而背於咸陽宮

室寢廟山陵相望高顯弘麗可思可榮養農已來無茲

著明夫雍州本帝皇所以育業

周始祖后稷封郃公劉居幽大王居岐文王居

鄴武王居鎬並在關中故曰育業也

霸王所以行功戰士角難之場也

### 京兆尹

春秋傳曰周公相王室以尹天下

尹正也

通典曰周官有內史秦因之掌治京師漢景帝二年分

置左右內史武帝太初元年更名京兆尹

張晏曰地絕高曰京左傳

曰莫之與京十億曰兆尹者正也大衆所聚故曰京兆

秩二千石銀印青綬進賢

兩梁冠絳朝服佩水蒼玉與左馮翊右扶風是為三輔

理長安城中後漢都雒陽置河南尹以三輔陵廟所在不改其號但減其秩與太守同

漢書曰趙廣漢字子都涿郡人為京兆尹以和顏接士其尉薦待遇吏殷勤甚備事推功善歸之於下曰某掾卿所為非二千石所及行之發於至誠吏見者皆輸寫心腹無所隱匿咸願為用僵仆無所避

又曰廣漢為人強力天性精於吏職見吏民或夜不寢至旦尤善為鈎距以得事情

蘇林曰鈎得其情使不得去晉灼曰鈎致也距閉也

使對者無疑若不問而自知衆莫覺所  
由以閉其術為距也師古曰晉說是也

鈎距者設欲

知馬價則先問狗已問羊又問牛然後及馬參伍其價  
以類相準則知馬之貴賤不失實矣郡中盜賊閭里輕  
俠其根株窟穴所在及吏受取請求銖兩之姦皆知之  
長安少年數人會窮里空舍謀共劫人坐語未訖廣漢  
使吏捕治具服廣漢為京兆尹廉明威制豪強小民得  
職百姓追思歌之至今

又曰張敞字子高守京兆尹自趙廣漢誅後比更守尹



皆不稱職京師寔廢長安市偷盜尤多百賈苦之敞既  
視事求問長安父老偷盜酋長數人居皆溫厚出從童  
騎閭里以為長者敞皆召見責問因貫其罪把其宿負  
師古曰貫緩也把  
執持也音布馬反令致諸偷以自贖偷長曰今一旦召

詣府恐諸偷驚駭願一切受署師古曰自言願  
權補吏職也敞皆以

為吏遣歸休置酒小偷悉來賀飲醉偷長陰以赭汙其

衣裾師古曰赭  
赤土也吏坐門閱赭汙者輒收之一日捕得數

百人由是枹鼓希鳴市無偷盜

又曰敞為京兆朝廷每有大議引古今處便宜公卿皆

服敞無威儀時罷朝會過走馬章臺街

孟康曰在長安中臣瓚曰在章

臺下

使御吏驅自以便面

師古曰便面所以障面蓋扇之類也

拊馬又為

婦畫眉長安中傳張京兆眉憮

應劭曰憮大也孟康曰憮音誦北方人謂媚好

為誦畜

有司以奏上問之對曰臣聞閨房之內夫婦之私

有過於畫眉者上愛其能弗備責也然終不得大位為

京兆尹九年與楊惲厚坐惲大逆誅

又曰王駿為京兆尹成帝欲大用之故試以政事先是

京兆有趙廣漢張敞王尊王章王駿皆有能名京師稱  
曰前有趙張後有三王

後漢書曰延篤字叔堅及邊鳳皆為京兆尹並有能名

語曰前有趙張後有邊延趙張即趙廣漢及張敞也

山表

松後漢書曰延篤字叔堅南陽人也為京兆尹以身率下民不忍欺

魏志曰鄭渾字文公為京兆尹渾以百姓新集為制移  
居之法使兼複者與單輕者相伍溫信者與孤老為比勤  
稼穡明禁令以發姦者由是民安於農而盜賊息

李燮別傳曰燮字德公京兆人拜京兆尹吏民愛敬乃作歌曰我府君道教舉恩如春威如虎愛如母訓如父後周陸逞為京兆尹都界有豕生數子經旬而死其家又有犢遂乳養之諸豚賴之以活時論以逞仁政所致唐源乾曜為京兆尹政存寬簡

黎幹為京兆尹嚴肅為治人頗便之

李勉大歷二年拜京兆尹政尚簡肅時宦官魚朝恩為觀軍容使仍知國子監事前尹黎幹求媚於朝恩每候

其將至監則盛設酒饌為數百人之餽傾府之吏以辦之及勉莅職旬月朝恩入監府吏莫至先置者請於勉勉曰軍容使判國子監勉候於太學軍容固宜具主禮勉官忝京尹軍容儻惠顧至府豈敢不飾蔬饌乎朝恩深銜之自是不復至太學矣

吳湊貞元十四年為京兆尹是夏旱穀貴人多流亡京兆尹韓舉以政事不理黜之上召湊自左金吾衛大將軍面拜尹即日令視事經宿方下制逾月湊論奏掌閑

廐曠騎飛龍內園芙蓉園及禁軍諸司等使雜供手力  
資課太多量宜減省從之湊孜孜為治以勤儉為務人  
樂其政庶務咸舉奏罷宮市等人頗便之嘗於官街樹  
槐及湊卒民指樹而懷之

許孟容元和四年為京兆尹有左神策軍吏李昱假長  
安富人錢八千貫三歲不償孟容遣吏收捕械繫剋日  
命還之且曰不及期當死自興元以後禁軍中有功軍  
士益橫府縣不能制孟容剛正不懼以法治之一軍盡

驚寃訴於上立命中使宣旨令送本軍孟容繫之不遣  
中使再至乃執奏云臣誠知不奉詔當誅然臣職司輦  
轂合為陛下彈抑豪強錢未盡輸豈不可得上嘉其意  
乃許之自此權右斂跡

孔戢為京兆尹時旱禱於曲江是夕大雨

韓愈長慶三年四月為京兆尹兼御史大夫勅特放臺

參以後不得為例

續會要曰時議以為憲司之臨府縣  
著自甲令苟害於理自當革之暫使

後人不為例非立  
制垂久之道也

崔珙開成二年為京兆尹時京畿旱奏漑水入內者十分請減九分以賜貧民溉田從之

薛元賞會昌中為京兆尹武宗謂宰相曰元賞威風甚嚴唯屬軍者即令守取勅文李德裕奏京兆尹者非陛下假借與之作主則無由為得帝曰灼然柳仲郢歷京兆河南尹以寬理周郊人或謂與西府之政有異為疑仲郢曰輦轂之下彈壓為先他郡皆宜以惠養為本

韋澳大中十年為京兆尹故事京兆尹在私第但竒日



入府偶日入遞院至是賜度支錢二萬貫令造宅始命  
尹不得離府澳公正方嚴吏不敢欺委長安尉李信主  
其事營創府舍極一時壯麗復進羨緡澳并書李信名  
上之

### 府縣官

唐肅宗元年建寅月勅京兆府縣官多被諸使奏請避  
難就易殊非奉公自今後諸使諸司諸州改官充判官  
支使隨身駟使等准舊勅不得放去

廣德二年三月勅中書門下及兩省五品已上尚書省  
四品已上諸司正員三品已上諸王駙馬中周已上親  
及女婿不得任京兆府判司畿令赤縣丞簿尉

長慶二年閏十月中書門下奏伏以所立隄防止緣權  
要令一槩防閑事誠太過今後請應宰臣左右僕射御  
史大夫中丞給事舍人左右丞諸司尚書侍郎度支鹽  
鐵使在城者并諸王駙馬周已上親并女婿外甥請准  
前後勅不得任京兆府判司次赤畿令簿尉其餘官不

在此限從之

大中元年九月中書門下奏京兆府判司及兩縣簿尉帶諸司職事伏以列官分職各有司存苟或侵踰則乖彝憲近府判司及兩縣簿尉多繫諸司職掌遂便額外假攝一人兼判數曹易為因循難以責辦臣等商量自今以後諸司職掌改除集賢史館弘文館外並不得帶府州司及兩縣簿尉仍每館不得過一員其見在諸司充職者請勒歸司從之

長安志卷二

欽定四庫全書

長安志卷三

宋 宋敏求 撰

宮室一

周 秦 漢上

周

鎬京

毛詩曰考卜維王宅是鎬京維龜正之武王成之武王烝哉箋云考猶稽也宅居也稽疑之法必契

龜而卜之武王卜居是鎬京之地龜則正之謂得吉兆武王遂居之修三后之德以伐紂定天下成龜兆之吉功莫大於此又黍離閔宗周也宗周鎬京也謂之西周又禮祭統曰即宮於宗周謂洛邑也以洛邑為東都故

謂鎬京為西都也魏王泰括地志曰周武王宮即鎬京也皇甫謐帝王世紀曰武王自鄴居鎬諸侯宗之是為

宗周今澧水之東長安之南三十里去鄴二十五里鎬池即其故都也案後幽王為犬戎所殺平王東遷鎬京

淪陷宮室荒蕪矣酈道元水經注曰自漢武穿昆明池於此地鎬京基構淪陷今無可究按酈道元漢鎬京蓋在鎬

池之西南昆明池是也城門周禮地官司徒之屬司門注若令城

門者通十二廟詩綿乃召司空乃召司徒俾立室家其支之義也繩則直縮版以載作廟翼翼毛言不失

繩直社詩綿廼立冢土戎醜攸行傳冢土大社也美大也王之社遂為大社箋大社者出大衆將所告而

行也正義冢土非諸侯之社遂者從本向末之稱言大王所作遂為文王之法也文王因其制度增而長之以

為天子之制周禮匠靈臺靈臺民始附也文王受命而人營國左祖右社民樂其有靈德以及鳥獸昆

蟲焉鄭玄曰天子有靈臺者所以觀祲象察氣之妖祥也文王受命而作邑於豐立靈臺正義靈臺所處在國之西郊劉向新序曰周文王作靈臺及為池沼掘地得死人之骨吏以聞於文王文王曰更葬之吏曰此無主矣文王曰有天下者天下之主也有一國者一國之主也寡人固其主也又安求主遂令吏以衣棺更葬之天下聞之皆曰文王賢矣澤及朽骨又况於人乎水經注曰豐水北經靈臺西文王又引水為辟雍靈沼括地志曰今悉無復處所唯靈臺孤立辟廡詩靈臺於論鼓鐘今案臺高二丈周圍百二十步辟廡於樂辟廡傳水旋丘如璧曰辟廡以節觀者文王有聲詩鎬京辟廡自西自東自南自北無思不服傳武王作邑於鎬京箋武王於鎬京行明堂周禮匠人周人明堂度九筵南北七筵辟廡之禮明堂堂崇一筵五室凡室二筵注此三者或舉宗廟或舉王寢或舉明堂並言之以明其同制斯干宣王考室也築室百堵西南其戶箋此築室者謂王燕

寢也西其戶南其戶者宗廟及路寢制如明堂每室四戶是室一南戶耳禮明堂位昔者周公朝諸侯於明堂

之位我將祀文王於明堂也呂氏春秋曰周學禮文王之明堂茅茨蒿柱土階三等以見儉節也學禮文王

在瞽宗書在上庠注周立三代之學學書於有虞氏之學典謨之教所興也學舞於夏后之學習威儀也學禮

樂於商之學功成靈囿詩靈臺王在靈囿麀鹿攸伏傳治定與已同也靈囿詩靈臺王在靈囿鹿言靈道行於

囿也天子百里周禮囿游注囿御苑也孟子曰文王之囿方七十里芻蕘者往焉雉兔者往焉與民同之靈

沼靈沼詩靈臺王在靈沼於魚躍也宮門詩綿廼立臯傳沼池也靈沼言靈道行于沼也宮門詩綿廼立臯

廼立應門應門將將傳王之郭門曰臯門伉高貌王之正門曰應門將將嚴正也美太王作郭門以致臯門作

正門以致應門箋云諸侯之宮外門曰臯門朝門曰應門內有路門天子之宮加以庫雉正義言太王本作郭



門正門耳在後文王之興以為皋門應門雖遷都於豐用岐周舊制故云致致者自小至大之辭文王因其制度增而長之以為天子之制故云耳郭門者宮之外郭之門正門謂之應門皆宮門也崔靈恩曰天子五門皋庫雉應路周禮正宮每門四人圓游亦如之注圓御苑游離宮也大宰正月之吉始和布治于邦國都鄙乃縣治象之法于象魏使萬民觀治象注象象闕也

**鎬池**

見其下

**鄠宮**

鄠宮文王宮也詩曰既伐于崇

作邑于豐鄭氏云豐邑在豐水之西鎬京在豐水之東春秋左氏傳康王有鄠宮之朝其宮今在鄠縣

### 秦

**阿房宮**

史記曰始皇三十五年以為咸陽人多先王之宮廷小吾聞周文王都鄠武王都鎬鄠鎬之間

帝王之舊都也乃營作朝宮於渭南上林苑中先作前殿阿房東西五百步南北五千丈上可以坐萬人下可

以建五丈旗周馳為閣道自殿下直抵南山表南山之顛以為闕為複道自阿房渡渭屬之咸陽以象天極閣道絕漢抵營室也阿房宮未成成欲更擇令名名之作宮阿房故天下謂之阿房宮隱宮徒刑者七十餘萬人乃分作阿房宮或作麗山發北山石柳乃寫屬荆地材皆至關中計宮三百關外四百餘於是立石東海上胸界中以為秦東門因徙三萬家麗邑五萬家雲陽皆復不事十歲又曰始皇造阿房宮徵發天下工匠又曰項羽屠咸陽焚其宮室三月火不滅三輔舊事曰阿房宮東西三里南北五百步庭中可受十萬人車行酒騎行炙千人唱萬人和置磁石門北東西有閣道即阿房宮之銅人十二於宮前磁石門北關門也累磁石為之着鐵甲入者磁石吸之不得過羌胡以為神三輔黃圖曰阿房宮以磁石為門懷刃者止之括地志曰一名却胡臺水經注曰磁石門北門在阿房前悉以磁石為之故專其目令四夷朝者有隱甲懷刃入門而脅之以示神

故亦曰却胡門鮑照蕪木蘭為梁三輔黃圖曰阿房前殿以木蘭為梁阿

城漢書曰阿城秦阿房宮也鑄金人十二史記曰始

置宮中徐廣曰錄音巨李善曰金狄金人也漢書注師

古曰所謂翁仲者也三輔黃圖曰坐高二丈其銘曰皇

大人求見臨洮其端門四達三輔黃圖曰秦始皇兼天

端門四達以則紫宮象帝居渭水貫賈山傳秦起咸陽

而西至雍離宮三百師古曰凡言離宮者皆謂鐘鼓帷

帳不移而具又為阿房之殿殿高數十仞師古曰阿房

阿皆為房也一說大陵曰阿言其殿高若於阿上為房也房字或作旁說云始皇作此殿未有名以其去咸陽近且號阿旁阿近也八尺曰仞東西五里南北千步從車羅騎四馬騫

馳旌旗不撓

師古曰屈也言庭之廣大殿之高敞衆騎馳騫無所迫觸建立旌旗不屈撓

女孝反為宮室之麗至於此使其後世曾不得聚廬而托

處焉

### 右阿房宮

冀闕

史記曰秦孝公十二年作咸陽築冀闕徙都之

甘泉林光宮

史記秦始皇二十七年作

甘泉宮及前殿築甬道自咸陽屬之戰國策范雎說秦王曰大王之國北有甘泉谷口漢宮闕疏曰甘泉林光

宮秦三代所造**大夏殿**三輔故事曰大夏殿始上林苑史記始

宮阿房於渭南上林苑又曰始皇欲大苑園東至函谷

西至陳倉優旃曰善哉若寇從東來令麋鹿觸之始皇

乃**牛首池**史記曰秦上林苑有**凌雲閣**漢宮殿疏曰凌雲閣秦二世造

三輔舊事曰**祈年宮**秦文王起於**祈年宮**史記曰始皇初居之宮有

閣與南山齊**祈年宮**長信宮梁山宮漢書曰祈年宮惠公

起又曰秦穆公葬於雍橐泉宮祈年觀下**長信宮**見

史記曰始皇二十七年作長信宮於渭南**梁山宮**見上好

通驪山作甘泉宮及前殿築甬道自咸陽屬之**梁山宮**見上好

時始皇起又始皇幸梁山宮望見丞相車騎衆不**宮觀二**

善之三秦記曰梁山宮城皆文石名織錦城**宮觀二**

**百七十**史記曰盧生說始皇曰人主為微行所居而人

知之則害於神願上居毋令人知則不死之藥

殆可得也乃令咸陽之旁二百里內宮觀二百七十複道甬道相連帷帳鐘鼓美人充之所幸有言其處者罪

死  
**曲梁宮** 在三原縣  
**曲臺宮** 鄠陽傳秦倚曲臺之宮懸衡天

曰始皇帝所治處也若漢家未央宮**城陽宮** 始皇母遷望夷宮 史記曰胡

白虎嚙其左驂馬殺之心不樂卜涇水為祟胡亥乃齋於望夷宮欲祠涇沉四白馬趙高乃使其壻咸陽令閻

樂殺胡亥於望夷宮張晏引博物志曰望夷宮在長陵西北長平觀道東故亭處是臨涇水作之以望北夷漢

書注師古曰胡亥葬於宜春苑死不在渭北也**橐泉宮** 孝公起**棫陽宮** 昭玉起

**陽宮** 秦武王起在陳倉**高泉宮** 秦宣太后起**長楊宮射熊館** 昭

起在**蘭池宮** 秦始皇為微行咸陽與武士四人俱夜出

盜屋**蘭池宮** 逢盜蘭池宮見窘使武士擊殺盜關中大

索二十日地理志渭城縣有蘭池宮三秦記曰始皇引渭水為長池東西二百里南北二十里築為蓬萊山刻

石為鯨魚長二百丈亦長樂宮關中記曰長樂宮有魚曰蘭池陂是秦又有蘭池

酒池廟記長樂宮有魚池酒池殿觀百四十五三輔舊事曰始

皇表河以為秦東門表汧以為秦西門中外殿觀百章臺四十五後宮列女萬餘人婦人之氣上衝于天

上林諸廟及章臺上作信宮渭南史記曰秦破諸侯寫放其宮室作之咸陽

北坂上南臨渭自雍門以東至涇渭殿屋複道周閣相屬所得諸侯美人鐘鼓以充之二十七年作信宮渭南

巴更命信宮為極廟像天極自極廟道通離宮別觀相

望聯屬廟記曰咸陽北至九峻甘泉南至長楊五柞東至河西至汧離宮別觀相望聯屬木衣絺繡土

被朱紫宮人不移樂不改獸園烈士傳曰秦王召魏公

懸窮年志歸猶不能遍亥使置亥獸園中虎園漢宮殿疏

奉壁一雙詣秦王王怒使置亥獸園中虎園秦故虎園

亥獸園皆血濺於獸面獸不敢動周匝三十五步西狼園又曰秦故狼園廣八十步長

去長安十五里二十步西去長安十五里四時祀太昊黃帝以下祠三百三所

右郊祠

漢上

未央宮漢書曰高祖七年蕭何治未央宮立東闕北闕

前殿武庫太倉上見其壯麗甚怒謂何曰天下



匈匈勞苦數歲成敗未可知是何治宮室過度也何曰  
天下方未定故可因以就宮室且夫天子以四海為家  
非令壯麗亡以重威且亡令後世有以加也上說西京  
雜記曰未央宮周匝二十三里九十五步五尺街道周  
四十七里臺殿四十三所其三十二所在外十一所在  
後宮池十三山六池一山二亦在後宮門闕凡九十五  
潘岳關中記曰未央宮周旋三十三里街道十七里有  
臺三十二池十二土山四宮殿門八十一掖門十四又  
曰未央宮殿及臺皆疏龍首山土以作之殿基出長安  
城上非築也又取山土以為城山之餘尾今在城西南  
數里乃盡也辛氏三秦記曰今長安城即疏龍首山為  
臺殿臺址不假版築張衡西京賦云疏龍首以抗殿是  
也王莽改未央宮曰壽成室括地志東闕七年蕭何立  
曰未央宮在長安故城中近西南隅東闕七年蕭何立  
東闕前殿武庫又曰文帝七年六月未央宮東闕眾惡  
災註如淳曰東闕與其兩旁眾惡皆災也顏師古曰眾

闕為連闕曲闕也以覆重刻垣墉之處其形眾眾然又曰屏也眾音浮北闕漢書師古曰

嚮而上書奏事謁見之徒皆詣北闕公車司馬亦在北

馬是則以北闕為正門而又有東門東闕至於西南兩

面無門闕矣蓋蕭何初立宮以厭勝之術理宜然乎闕

中記曰未央宮東有蒼龍闕北有玄武闕所謂北闕也

闕中有閭闔門止車門廟記司馬門漢書章帝使長史

曰未央宮有白虎闕屬車闕司馬門請事至咸陽留司

馬門三日師古曰凡言司馬門者宮垣之內兵衛所在

四面皆有司馬司馬主武事故總謂宮之外門為司馬

門又初元五年令從官給事宮司馬中者宮內門也司馬主武

父母兄弟通籍應劭曰司馬中者宮內門也司馬主武

兵禁之意也師古曰司馬門者宮之外門也衛尉有八

屯衛候司馬主衛士徼巡宿衛每面各二司馬故謂宮

之外門為司馬門又張釋之為公車令太子與梁王共

車入朝不下司馬門釋之追止劾奏之如淳曰宮衛令

諸出入殿門公車司馬門者皆下不如令罰掖門漢書  
金四兩成帝永始四年未央宮東司馬門災掖門曰朱  
虛侯章從大尉勃請卒千人入未央宮掖門師古曰非  
正門而在兩旁若人之臂掖也御覽曰漢制內至禁者  
為殿門外出端門漢書曰文帝初入未央宮有謁者十  
大道為掖門端門人持戟衛端門師古曰端門殿之正  
門西都賦立金人於端闈注宮正殿三輔黃圖曰營  
門也西京賦高門有閼列坐金狄前殿未央因龍首以  
制前殿殿上有非常室幽明錄漢武帝與近臣宴未央  
殿方噉黍臙忽聞人語云老臣自訴尋覓不見梁上有  
一老翁長八九寸拄杖僂步帝問之翁下稽首不言仰  
視屋俯指帝脚忽然不見東方朔曰其名藻廉水木之  
精夏巢林冬潛河陛下興造宮室斬伐其居故來訴耳  
王莽改前殿曰王路堂地皇元年王路堂為風所毀

非常室

見上漢書五行志曰成帝綏和二年鄭通里男  
子王褒帶劔入北司馬門殿東門上前殿入非

常室中如淳

武庫

漢書曰武庫以藏禁兵又曰樗里子

師古曰樗里子且死曰葬我必渭南章臺東後百年當

有天子宮夾我墓及漢興長樂宮在其東未央宮在其

西武庫正

太倉高紀蕭何立

金馬門

史記曰金馬門者

直其上銅馬故曰金馬公孫弘傳待詔金馬門如淳曰武帝時

相馬者東門京作銅馬法獻之立馬於魯班門外更名

魯班門為金馬門又揚

白虎門王莽自前殿南下

長秋

雄傳歷金門金馬門也

青瑣門

見關中記高門殿漢書

門漢書戾太子使舍人持節夜入未央宮殿長秋門

黠請間見高門晉灼曰三輔黃圖未央宮中有高門殿  
又鮑宣曰豈徒欲使臣美食大官重高門之地哉晉灼  
曰高門殿名師猗蘭殿漢武帝故事曰王美人七月七  
古曰在未央宮猗蘭殿日旦生武帝於猗蘭殿洞冥記

漢武帝未生之時景帝夢一赤燕從雲中直下崇芳閣  
帝覺而坐於閣果見赤氣如林木蔽戶牖望閣上有丹  
霞翁鬱既而改崇 **承明殿** 霍光傳太后時幸未央承明  
芳閣為猗蘭殿 **承明殿** 殿成帝鴻嘉二年有雉集承  
明殿顏師古曰在未央宮中翼奉傳孝文躬行節儉外  
省繇役其時未有甘泉建章及上林中諸離宮館也未  
央宮又無高門武臺麒麟鳳凰白虎玉堂金華  
之殿獨有前殿曲臺漸臺宣室溫室承明耳 **清涼殿**  
三輔黃圖曰未央宮有清涼殿宣室 **宣室殿** 賈誼傳上  
殿金華殿玉堂殿白虎殿麒麟殿 **宣室殿** 方受釐宣  
室蘇林曰宣室未央前正室也武帝為竇太主置酒宣室  
東方朔曰宣室者先帝之正處也非法度之政不得入  
焉宣帝甘露四年未央宮宣室閣災刑法志曰宣帝常  
幸宣室齋居而決事如淳曰宣室布政教之室也晉灼  
曰未央宮中有宣室殿師古曰蓋其殿在前殿之側齋  
則居之淮南子曰武王殺紂於宣室漢蓋取舊名也

溫室殿

霍光傳曰昌邑王入朝太后還乘輦欲歸溫室

金華殿

漢書曰成帝初方向學鄭寬中

張禹朝夕入說尚書論語於金華殿名在未央宮

玉堂殿

漢書揚雄傳歷金門上玉

堂晉灼曰三輔黃圖大玉堂小玉堂殿又李尋曰久汙玉堂師古曰玉堂殿在未央宮

白虎殿

漢書曰河平四年單于來朝引見白虎殿丞相商坐未央廷中單于前拜謁商又杜欽詣白虎殿對策又成帝時趙

思王衍來朝供張白虎其麟殿並見上又哀帝置酒麒麟殿師古曰在未央宮中麒麟殿董賢父子宴飲師

古曰在飛羽殿王莽請元后冬饗飲飛羽殿在未央宮中羽或作雨敬法殿王莽

作室門斧敬法闈曲臺殿漢書曰孟喜舉孝廉為郎曲師古曰敬法殿名曲臺殿臺署長師古曰曲臺殿名署

者主供其事也又孟卿傳后蒼說禮數萬言號后氏曲臺記服虔曰在曲臺校書著記因為名師古曰曲臺殿

在未央宮三輔黃圖  
曰未央宮有曲臺殿  
宴眺殿  
班伯召見宴眺殿張晏曰親戚宴飲會同之殿  
長

年殿  
西京賦長年神仙殿見  
飛翔殿合歡殿蘭林殿披

香殿鳳凰殿鴛鸞殿含章殿朱雀殿  
一曰朱鳥殿  
安處殿  
下並

見班孟堅西都賦  
常寧殿莖若殿發越殿蕙草殿壽成殿  
下並見三

輔黃圖  
萬歲殿廣明殿永延殿壽安殿宣德殿東明殿通

光殿惠殿高明殿延年殿  
下見廟記  
四車殿朱鳥殿  
西京賦麒麟朱

鳥龍興含章李善注皆殿名  
龍興殿  
見椒房殿外戚傳上官安有椒房之重師古曰椒房

殿名在未央宮皇后所居  
昭陽舍  
漢書曰趙昭儀居昭陽舍其中庭形朱而殿上髹漆切皆銅沓冒黃

金塗白玉堦壁帶往往為黃金缸函藍田璧明珠翠羽飾之張平子西京賦曰後宮則昭陽飛翔增成合歡蘭林

披香鳳凰鴛鴦漢宮闕名有鳳凰殿西京雜記昭陽殿織珠為簾風至則鳴如環佩聲又曰昭陽殿窻戶扇多

是琉璃皆通照毛髮不得藏椽桷皆刻作增城舍漢書蛇龍縈繞其間鱗甲分明見者莫不驚慄增城舍曰班

婕妤居增城舍應劭曰後椒風舍漢書曰董賢女弟為宮有八區增城第三也

以配椒房應劭漢宮儀曰皇后殿稱披庭西京雜記曰漢掖廷有丹景臺雲光殿九華

殿鳴鸞殿開襟閣臨池觀皆繁華窈窕之所棲宿月景臺雲光殿九華殿鳴鸞殿開襟閣

閣雜記又曰漢綵女常以七月七日夜穿七

孔針於開襟臨池觀上皆見柏梁臺漢書武帝元鼎二年樓閣以習之



用百頭梁作臺因名焉師古曰三輔舊事云以香柏為之今書皆作栢服說非漢武故事曰以香柏為之香聞數十里郊祀志曰武帝鑄栢梁銅柱五行志曰太初元年十一月乙酉未央宮栢梁臺災先是大風發其屋夏侯始昌先言其災曰廟記曰栢梁臺漢武帝造在北闕內道西三秦記曰栢梁臺上有銅鳳名鳳闕漢武帝集武帝作栢梁臺詔羣臣二千石有能為七言者乃得上坐帝曰日月星辰和四時梁王曰驂駕駟馬從梁來大司馬曰郡國士馬羽林才丞相曰摠領天下誠難治大將軍曰和撫四夷不易哉御史大夫曰刀筆之吏臣執之太常曰撞鐘伐鼓聲中詩宗正曰宗室廣大日益滋衛尉曰周衛交戟禁不時光祿勳曰摠領從宗栢梁臺廷尉曰平理清讞決嫌疑大僕曰修飾輿馬待駕來大鴻臚曰郡國吏功差次之少府曰乘輿御物主治之大司農曰陳粟萬石揚以箕執金吾曰徼道宮下隨討治左馮翊曰三輔盜賊天下危右扶風曰盜阻南山為民

欽定四庫全書



長安志

士

災京兆尹曰外家公主不可治詹事曰椒房率更領其材典屬國曰蠻夷朝賀常舍其大匠曰柱折薄櫺相枝

持太官令曰枇杷橘栗桃李梅上林令曰走狗逐兔張眾愚郭舍人曰嚙妃女脣甘如飴東方朔曰迫窘詰

屈幾承明廬漢書曰嚴助為會稽太守武帝賜書曰君厭承明之廬張晏曰承明廬在石渠閣外

直宿所天祿閣三輔故事曰天祿閣石渠閣並在未央宮大殿北以藏秘書漢宮殿疏曰天祿

閣麒麟閣蕭何造以藏秘書畫賢臣像凡十二人霍光第一蘇武第十二石渠閣見上甘露中五經諸

儒雜論於麒麟閣見上蘇武傳甘露三年單于始入朝上思股肱之美乃圖畫其人於麒麟

閣張晏曰武帝獲麒麟時作麒麟閣圖畫其像於閣遂以為名師古曰漢宮閣疏云蕭何造上思股肱之美謂

霍光等十二人三輔黃圖曰未央宮有麒麟殿藏秘書即揚雄校書處蘭臺漢書百官表御史中丞在

殿中蘭臺迭掌圖籍秘書西京漸臺漢書曰文帝夢上天賦曰蘭臺金馬遞宿迭居

上覺而之漸臺以夢中陰自求推者郎見鄧通師古曰未央殿西南有蒼池池中有漸臺又王莽為元后置酒

未央宮漸臺大縱眾樂關中記曰未央宮中有蒼池池中有漸臺王莽死於是也括地志曰既云就車而之漸

臺雖未央建章複道相屬但漢兵既迫不應駕車踰城此即非建章之漸臺矣然則未央建章似各有漸臺非

一所也 蒼池 見上三輔紫宮 三秦記曰未央宮一名紫宮黃圖作滄

其中養德宮 西京雜記曰趙王如意年幼戚姬使舊別名養德宮 趙內傳趙溫傳之號其室為養德宮 凌

室 漢書惠帝四年七月未央宮凌織室 又織室災師古曰織室災顏師古曰藏冰之室也 織室 織作之室百官表

少府掌東織西織河平元年武臺殿 漢書李陵召見武省東織更名西織為織室 臺師古曰未央宮

有武臺殿 **東山臺** 三輔故事曰未央宮前有東山臺西山臺

臺西山臺鈞臺廟記 **西山臺** 見朱鳥堂 三秦記曰未央

曰未央宮有鈞弋臺 **畫室鈞盾弄田** 漢書曰昭帝始元元年耕於鈞盾弄

田應劭注云時年九歲未能親耕帝 **籍鈞盾宮宦者近署故往試耕為戲弄成帝建始三年**

小女陳持弓年九歲闌入尚方掖門至未央殿鈞盾禁 **田在未央宮中** **未央廡** 漢書曰武帝期門郎上 **獸園**

**琬園** 三輔黃圖曰獸園九 琬園一在未央宮中

**右未央宮** 又有蕭何曹參韓信等殿

**建章宮** 漢書曰武帝大初元年十一月栢梁臺災二月起建章宮文穎曰越巫名勇謂帝曰越國有火

災即復大起宮室以厭勝之故帝作建章宮師古曰在未央宮西今長安故城西俗所呼貞女樓者即建章宮之闕也闕中記曰建章宮其制度事兼未央宮周回二十餘里三輔舊事曰建章宮周圍數十里殿東別起閣高二十五丈憑高以望遠張平子西京賦曰栢梁既災越巫陳方建章是營用厭火祥營宇之制事兼未央度為千門萬戶前殿度高未央師古曰度音大各反東

中為小圖起建章左鳳闕右神明號稱千門萬戶其東則鳳闕高二十餘丈師古

曰三輔故事其闕闌上有銅鳳班固西都賦曰設璧門之鳳闕上觚稜而棲金爵金爵則銅鳳也闕中記曰建章宮鳳闕臨北道鳳在上故號曰鳳闕廟記曰建章宮北闕高二十丈建章北闕門也又古鳳凰闕漢武帝造高十七丈五尺長安記曰俗人謂鳳闕為貞女樓古歌詞云長安城西雙員闕上有一雙銅雀宿一鳴五穀生

再鳴五穀熟案銅雀即銅鳳也繁欽建章鳳闕賦序曰秦漢規模斬焉泯毀唯建章鳳闕聳然獨存雖非象魏之制亦一代之巨觀也

其西則商庭數十里虎圈

如淳曰商中商庭也師古曰商

金也於序為秋故謂西方之獸為商商庭廣其北治大數十里於菟亦西方之獸故於此置其圈也

池漸臺高二十餘丈名曰泰浸

師古曰漸浸也臺在池中為水所浸故曰漸臺

一音子廉反三輔黃圖或為浸亦漸耳

池中有蓬萊方丈瀛州壺梁象海

中神山龜魚之屬

師古曰三輔故事池北岸有石魚長三丈高五尺西岸有石鼈三枚長六

尺其南有玉堂壁門大鳥之屬

師古曰立大鳥象也漢書曰建章宮南有玉堂

壁門三層臺高十餘丈玉堂內殿十二門階陛咸以玉為之鑄銅鳳高五尺飾黃金栖屋上下有轉樞向風若

翔椽首傳以玉壁因曰壁門

立神明臺并幹樓高五十丈輦道相屬

焉

師古曰漢宮閣疏神明臺高五十丈上有九室常置九天道士百人神明并幹共高五十丈也并幹樓積

木而高為樓若并幹之形也并幹者井上木欄也其形或四角或八角東方朔傳曰建章左鳳闕右神明張衡

西京賦曰并幹疊而百層謂此樓也幹或作翰其義並同三輔黃圖曰神明臺上有九臺今謂之九子臺非也

析風闕

三輔故事曰建章宮東有析風闕闕中記曰建章宮閭闕門內東出有析風闕一名別風闕高

一十丈西京賦所云闕之內別風蕉窳者也

蕉窳闕

廟記曰建章宮有蕉窳闕薛綜注次門女闕也

在圓闕門內二百步駮娑殿

闕中記曰建章宮中有駮娑殿蓋朽詣承光四殿李善曰駮素合反娑蘇可反

駮音殆朽烏故反

駮湯殿朽詣殿承光殿

並見

銅柱承露僊人

掌

漢書曰武帝作蘇林曰仙人以手掌擊盤承甘露師古曰三輔故事建章宮承露盤高二十丈大七圍以銅

為之上有仙人掌承露和玉屑飲之益張衡西京所賦云立脩莖之仙掌承雲表之清露屑瓊藥以朝餐必性命之可度也長安記曰仙人掌大七圍以銅為之

太液池

漢書曰昭帝始元元年二月黃鵠下建章

宮太液池中如淳曰液言天地和液之氣也瓚曰陰陽津液以作池也師古曰二說皆非太液池者言其津潤所及廣也又曰建章宮北有太液池關中記曰建章宮北有池以象海北刻石為鯨魚長三丈三輔舊事曰建章宮北作清澗北有鯨魚刻石為之西京雜記曰太液池邊皆是彫葫紫萍綠節莞叢生蒲之類菰之有米者長安人謂為彫葫葭蘆之未解葉者謂為紫萍菰之有首者謂為綠節其間鳧鷖鴈子布滿充積又多紫龜綠蠶池邊多平沙沙上鳴鶴舟容與舟清曠舟採菱舟越女舟曰太液池中有鳴鶴舟容與舟清曠舟採菱舟越女舟



三輔舊事曰日出暘谷浴於咸池至虞泉即暮此則象之也  
清淵見承樹池西京雜記曰太

液池西有一小池名承樹池中有一洲洲上有一枯樹其樹大十餘圍望之童童如卓蓋故取以為名  
奇

華殿周地圖記曰奇華殿在建章宮旁曰海藏夷器服珍寶火浣布切玉刀巨象大雀獅子宛馬充塞其

中鼓簧宮漢宮闕疏曰鼓簧宮周匝百三十六步在建章宮西北  
涼風臺關中記曰建章

宮北作涼風臺積木為樓高五十餘丈  
中龍華門見漢武故事  
曝衣閣宋卜子陽園苑

疏曰太液池西有武帝曝衣閣常至七月七日宮女出后衣登樓曝

### 右建章宮

長樂宮漢書曰高帝五年都長安九月治長樂宮叔孫通傳漢七年長樂宮成關中記曰長樂宮本秦

之興樂宮也周園二十餘里有殿十四漢太后常居之  
長安記曰興樂宮秦始皇造漢修飾之王莽改長樂宮

曰常東朝史記叔孫通傳孝惠帝為東朝長樂宮及間  
往來數蹕煩人乃作複道又漢書灌夫傳

東朝廷辨之如淳曰東朝太后朝也張東宮漢書袁盎  
晏曰會公卿大夫東朝共理而分別也

宮趙談東闕漢書曰宣帝元康四年神爵五綵以萬數  
集長樂宮又五鳳三年鸞鳳集長樂宮東

闕中樹上西闕劉屈氂傳太子馭四市人至  
長樂西闕下逢丞相軍合戰前殿三輔黃圖  
曰長樂宮

前殿東西四十九丈七尺西杼長宣德殿通光殿高明  
二丈深十二丈杼一作序

殿右見三輔宮殿  
名在長樂宮中長秋殿闕中記曰長樂宮有長  
秋永壽永寧長定四殿永壽

殿永寧殿長定殿並見  
上臨華殿漢書曰成帝永始四  
年長樂臨華殿災鴻

臺

漢書惠帝四年三月長樂宮鴻臺災三輔黃圖曰長樂宮有鴻臺有臨華殿有温室殿

温室殿

見上漢書曰或問孔光温室省木皆何木也光嘿不應晉灼曰長樂宮中有温室殿

建始殿廣陽

殿中室殿月室殿神仙殿椒房殿

以上並見三輔黃圖

大夏殿

輔

舊事曰秦作銅人立在阿房殿前漢徙著長樂宮大夏殿前關中記曰長樂宮殿前銅人其冑前銘李斯蒙恬所書也賈誼過秦論曰始皇銷鋒鑄鐻以為金人十二以弱天下之人是也魏志曰董卓悉椎破銅人鐘簴以鑄小錢英雄記曰昔大人見臨洮而銅人鑄臨洮生卓而銅人毀時有卓而大亂大亂而卓身滅良有以也關中記曰董卓壞銅人餘二枚徙在清明門酒池在長樂裏魏明帝欲徙詣洛載致霸城重不可致酒池宮秦始皇造漢武帝行舟於中西京記曰酒池北起臺天子於上觀牛飲者三千人太平寰宇記曰武帝作酒池以誇

羌胡飲以鐵盃重  
不能舉皆抵牛飲

右長樂宮

長安志卷三

欽定四庫全書

長安志卷四

宋 宋敏求 撰

宮室二

漢中

桂宮

三輔黃圖曰桂宮漢武帝造漢書曰桂宮有紫房複道通未央宮又成帝為太子初居桂宮師古曰

三輔黃圖桂宮在城中近北宮非太子宮三輔故事曰桂宮在未央宮北周匝十餘里有明光殿走狗臺土

山複道橫北度從宮中  
西上城至建章神明臺

龍樓門

漢書成帝為太子上嘗急召太子出龍樓門不敢絕馳道西至直城門得絕乃度還入作室門

上遲之張晏曰門樓上有銅龍若白鶴飛廉之為名也

鴻寧殿

漢書哀帝紀曰建平三年正月癸卯帝太后所居桂宮正殿火五行志曰哀帝建平三年正

月癸卯桂宮鴻寧殿災帝祖母傅太后之所居也

明光殿

關中記曰桂宮在未央宮之北周回十餘

里中有明光殿殿上複道從宮上西上城西至建章宮神明臺蓬萊山三秦記曰未央宮漸臺西有桂宮宮內有明光殿皆金玉珠璣為簾箔處處明月珠金泥玉階晝夜光明班固西都賦曰自未央宮而連桂宮北彌明光而亘長樂三輔舊事曰桂宮內有明光殿

走狗臺

見四寶宮西京雜記曰漢武帝為七寶床雜寶案八寶屏風列寶帳設於桂宮時人

謂之四寶堂

# 右桂宮

明光宮

漢書曰武帝太初四年秋起明光殿師古曰三輔黃圖在城中近桂宮元后傳曰成都侯商嘗

病欲避暑於明光宮師古曰明光在城內近桂宮漢武

故事曰又起明光宮發燕趙美女三千人充之率皆十

五已上二十已還年滿三十者出嫁之掖庭令稽其籍

時有死出者隨補之三秦記曰明光殿以金為地玉為

階王莽篡位命孺子為定安館定安太后居之 **輦道相**

安太后改明光宮為定安館定安太后居之 **輦道相**

屬漢書曰武帝故事上起明光宮桂宮長樂宮皆輦道

元始元年  
罷明光宮

# 右明光宮

長信宮

漢書曰成帝母王太后居長信宮外戚傳曰班婕妤好求共養太后長信宮上許焉婕妤好退處東

宮作賦自傷悼曰奉共養於東宮兮託長信之末流後漢書劉玄傳曰更徙居長信宮三輔黃圖曰從洛門至周

廟門有長信宮在其中東宮見

永信宮

哀帝建平二年尊恭皇太后曰帝太

中安宮

哀帝尊恭皇后曰帝太后稱中安宮

長門宮

武帝陳皇后退居長門宮

鈎弋宮

趙婕妤居鈎弋宮師古曰三輔黃圖在城外漢武故事曰在直門南池列仙傳曰鈎弋夫人齊

人生六年右手奉帝披其手得一玉鈎而手舒故名其宮堯母門又曰趙婕妤妊身十四月乃生



昭帝武帝曰昔堯十四月而生今鈞  
弋亦然乃命其所生門曰堯母門

### 右長信等五宮

北宮

漢書曰惠帝張皇后廢處北宮師古曰未央宮  
之北董偃常從武帝游戲北宮馳逐平樂觀平帝

退居桂宮師古曰北宮及桂宮皆在城中而非未央宮  
退居太后趙氏為孝成皇后退居北宮哀帝皇后傅氏  
中霍光傳北宮桂宮皆在未央宮北漢書又曰宮中  
有壽宮神君張羽旗設供具以祀神君來則肅然風生  
帷帳皆動

東交門

武帝置酒北宮引董偃從東司馬門東司馬門  
更名東交門蘇林曰以偃從此門入交會於內

故以名焉又  
曰東交掖門

欽定四庫全書

長安志

紫房複道

孔光傳成帝母太皇太后自居長樂宮而帝祖母定陶傅太后在國邸詔問宜當何居光

不欲令后與帝旦夕相近即議以為定陶太后宜改築宮大司空何武曰可居北宮上從武言北宮有紫房複道通未央宮傅太后從

複道朝夕至哀帝所

### 右北宮

林光宮

漢書注服虔曰甘泉一名林光師古曰秦之林光宮胡亥所造漢又於其旁起甘泉宮又郊祀

志震電災林光宮門孟康曰甘泉一名林光師古曰林

光秦離宮名也漢又於其旁起甘泉宮非一名也關中

記曰林光宮一曰甘泉宮秦造在今池陽縣西北故雲陽縣甘泉山上周圍十餘里漢武建元中增廣之周圍

十九里二百二十步有宮十二臺十一武帝常以五月避暑於此八月乃還

長定宮

宣帝許皇后成帝許皇后並居長定宮  
師古曰三輔黃圖林光宮有長定宮

右林光宮

甘泉宮

漢書曰甘泉山名應劭曰甘泉在馮翊雲陽縣  
文帝三年五月上幸甘泉師古曰甘泉在雲陽

本秦林光宮晉灼曰雲陽甘泉黃帝以來祭天園丘處也武帝常以五月避暑八月乃還史記又曰齊人李少翁言上即欲與神通宮室被服非象神物不至乃作甘泉宮中為臺畫天地泰一諸鬼神而置祭具以致天神揚雄傳甘泉本秦之林光宮而武帝復增通天高光迎風宮闕中記曰林光宮一曰甘泉宮秦造在今池陽縣西北故雲陽縣甘泉山上周圍十餘里有銅人二枚在門外三輔黃圖曰甘泉宮漢武帝建元中增廣之周圍一十九里中有牛首山漢宮儀注曰甘泉通天宮去長安三百里望見長安城黃帝以來園丘祭天處關山圖

曰雲陽先王之墟也中有神書鐵卷玉石之記十道志  
曰今按甘泉谷北有古槐樹在故宮之南雲陽宮記曰  
甘泉宮北有槐樹今謂之玉槐樹根幹盤峙三二百年  
木也耆舊相傳咸以為此樹即揚雄甘泉賦所謂玉樹  
青蔥前殿漢宮儀注曰武帝於甘泉宮更置前殿始廣  
者也前殿諸宮室有芝生甘泉殿邊房中漢舊儀曰芝  
有九莖金色綠葉珠寶紫殿三輔黃圖曰漢武帝起紫  
夜有光乃作芝房之歌紫殿三輔黃圖曰漢武帝起紫  
之成帝永始四年行幸甘泉郊泰畤神光降於紫殿西  
京雜記曰武帝設雲帳雲幄雲幕於甘泉紫殿世謂為三  
殿雲

連絲四百餘里

三輔故事曰北至甘泉九峻南至長  
楊五柞連絲四百餘里三輔黃圖云綠

山谷行至雲陽三百八十里  
入右扶風周園五百四十里

萬靈明庭

漢書黃帝郊雍上帝宿三月鬼史區號大鴻死葬雍故大鴻冢是也其後黃帝接萬靈明庭者甘泉也

蘇林曰今雍有鴻冢

諸侯邸

史記曰黃帝治明庭明庭甘泉也方士多言古帝王有都甘泉者其後天子又朝諸侯甘泉甘泉作

邸諸侯

通天臺

史記公孫卿曰仙人好樓居於是上令長安則作蜚廉桂觀甘泉則作益延壽觀使卿持節

設具而候神人乃作通天臺置祠具其下將招來神仙之屬於是甘泉更置前殿始廣宮室夏有芝生殿房內中徐廣曰通天臺臺在甘泉漢書曰武帝元封二年作甘泉通天臺師古曰言此臺高上通於天漢舊儀曰通天臺高三十丈望雲雨悉在其下去長安三百里望見長安城黃帝以來祭天圜丘處武帝祭天上通天臺

欽定四庫全書

長安志

五

舞八歲童女三百人置祠祀招仙人祭天已令人升通天臺以候天神既下祭所若大流星乃舉烽火而就竹

宮望拜神光漢儀注上有承露仙人掌擎玉杯承雲表之露元鳳間臺自毀棟桷皆化為龍鳳隨風雨飛去西

京賦曰通天諺以竦峙徑百常而莖擢上辨華以交紛下刻隋其若削闕中記曰左右通天臺高三十餘丈祭

天時於此候益壽館延壽館二館見上竹宮漢書曰武天神下也

泉園丘昏祠至明夜常有神光如流星止集於祠壇天子自竹宮而望拜師古曰漢舊儀云竹宮去壇三里

高光宮甘泉有高光宮洪崖宮旁皇觀諸省觀弩陸宮棠梨宮

師德宮漢書注師古曰棠梨宮在甘泉苑垣外師德宮在雲陽界其餘皆甘泉苑垣內之宮觀陸音去

魚切棠梨宮在雲石闕觀一作封巒觀亦曰三巒鳩鳩觀鳩

陽東南三十里

作枝露寒觀四觀武帝建元中作在雲陽甘泉宮外

仙人觀

三輔黃圖曰秦林光宮八觀緣山谷行至雲陽三百八十里入右扶風周園五百四十里

迎風觀

漢書曰武帝因秦林光宮元封二年復增通天迎風儲胥露寒

壽宮

漢書曰武帝病愈起幸甘泉置壽宮又置壽宮北宮張羽旗設共具以祀神君臣瓚曰壽宮奉神之

也宮

通靈臺

漢武帝內傳曰鈎弋夫人既殞香聞十餘里帝哀悼疑其非常人也乃起通靈臺於甘泉常有

一青鳥

集臺上

## 右甘泉宮

昆明池

漢書曰武帝元狩三年發謫吏穿昆明池臣瓚曰西南夷傳越雋昆明國有滇池方三百里漢

使求身毒國而為昆明所閉令欲伐之故作昆明池象之以習水戰在長安西南周圍四十里師古曰滇音顛

食貨志又曰時粵欲與漢用船戰遂乃大修昆明池列館環之治樓船高十餘丈旗幟如其上三輔黃圖曰上

苑有昆明池周匝四十里西京雜記曰武帝作昆明池水戰因於上遊戲養魚給諸陵廟祭祀餘付長安市賣

之池周匝四十里又曰昆明池刻石為鯨每至雷雨魚嘗鳴吼鬣尾皆動漢世祭之以祈雨往往有驗又曰昆

明池中有戈船樓船各數艘樓船上建樓櫓戈船上建戈矛四角悉垂幡旄旌葆麾蓋照燭涯淡三輔故事曰

昆明池蓋三百三十頃池中有豫章臺

有二石人牽牛織女象

見漢宮闕疏堯

時已有汙池

關中記曰昆明池漢武習水戰也中有靈池神池云堯時治水停船此池蓋堯時已



有汚池漢代因而深廣耳曹毗志怪曰漢武鑿昆明池極深悉是灰墨無復土舉朝不解以問東方朔曰臣愚不足以知之可試問西域胡帝以朔不知難以核問至後漢明帝時外國人入貢來洛陽時有憶方朔言者乃試以武帝時灰墨問之胡人曰經云天地大劫將盡則劫燒此劫燒之餘乃知朔言有旨大魚銜鈎三秦記曰昆明池中有靈沼名神池云堯時治水停船此池池通白鹿原人鈎魚綸絕而去魚見夢於武帝求去其鈎明日帝遊戲於池見大魚銜鈎曰豈非昨所夢乎帝取魚去其鈎而放之間三日帝復遊池濱得明月珠一雙帝曰豈養魚以給諸陵祠三輔故事曰漢武帝作魚之報耶養魚以給諸陵祠昆明池武帝崩後於池中養魚以給諸陵祠餘付長安市廟記曰池盡地二百二十項後作豫章大船可載萬人上起宮室因欲遊戲養魚以給諸陵祭昆明觀又有昆明東觀三輔黃圖曰祀餘付長安市中昆明觀上林苑有昆明觀蓋漢武帝

所置桓譚新論曰元帝被病遠求方士時漢中送道士  
王仲都詔問所能對曰能忍寒暑乃以隆冬盛寒日令  
載以駟馬車於上林昆明池上環水而馳御者厚衣狐  
裘寒戰而仲都獨無變色卧於池臺上怡然自若夏大  
暑日使曝坐環以十爐火不  
言熱又身不汗池臺即觀也

### 右昆明池

上林苑

秦舊苑也漢書曰武帝建元三年起上林苑又  
曰武帝廣開上林周遠數百里又武帝微行以

為道遠勞苦又為百姓所患乃使大中大夫吾丘壽王  
與待詔能用筭者二人舉籍阿城以南盤屋以東宜春  
以西提封頃畝及其賈直除以為上林苑屬之南山西  
京雜記曰初脩上林苑羣臣遠方各獻異樹亦有制為  
美名以標奇麗也三輔故事曰上林延亘四百餘里漢  
舊儀曰上林苑方三百里漢宮殿疏曰方百四十里續

漢書百官志曰上林苑今一人六百石主苑中禽獸武帝廣開上林南至宜春

胡御宿昆吾晉灼曰鼎胡宮名也黃圖以為在藍田昆吾地名也有亭師古曰宜春近下杜御宿

在樊川西旁南山而西至長楊五柞北繞黃山瀕渭而東以上

見揚雄傳苑中養百獸漢舊儀曰上林苑中廣長三百里置

獵射苑中取禽無數其中離宮七十所皆容千乘萬騎又曰武帝時使上林苑中宮奴婢及天下貧民貲不滿

五十萬徙置苑中人日出五錢門十二關中記曰上林

苑三十六宮十帝得七十億萬以給軍擊西域門十二苑中記曰上林

二觀二十五華原殿即承華殿漢武帝故事曰七月夜中忽有一青鳥從西鳳皇殿宣帝神爵四年鳳皇集

北方來甫頃王母至上林迺作鳳皇殿以答

嘉長楊宮秦時宮三輔黃圖曰上林有長楊宮漢書曰蓋屋縣有長楊五柞宮宣帝幸長楊宮屬玉

觀成帝元延二射熊館三輔黃圖曰長楊宮有射熊館在蓋屋按漢武帝好自擊熊羆

司馬相如從至上林上疏諫揚雄作長楊賦以諷平樂元帝永光五年上幸長楊射熊館射音食亦反

館漢書曰武帝元封六年夏京師民觀角抵于上林平樂館薛綜注西京賦平樂觀大作樂處延壽

門平帝迎王皇后自上林陽祿觀班婕妤生子子陽祿柘延壽門入未央宮前殿陽祿觀班婕妤生子子陽祿柘觀師古曰二觀並在

上林柘觀見上蘭觀王莽請元后校獵上蘭三豫章觀中

見三輔昆明觀三輔黃圖曰上林苑中有昆明觀漢武帝造牛首池張揖曰在上林

苑西頭司馬相如上林賦曰濯鷁牛首昭臺宮漢書曰郭璞注曰牛首池在豐水西北近渭宣帝霍

皇太后成帝許皇后皆廢處  
昭臺宮師古曰在上林苑  
涿沐館成帝許美人居上林苑  
涿沐館數召入飾室

中若 舍 諸元宮馮昭儀與子信都王居儲元  
宮師古曰黃圖在上林苑中  
繭館王莽請元后至繭

館率皇太后列侯夫人桑師古曰漢宮  
闕疏上林苑有繭觀蓋繭之所也  
建章館王莽壞徹城西苑中

建章承光包陽大基儲元宮及平樂當路陽祿館凡十  
餘所取其材瓦以起九廟師古曰自建章以下至陽祿

皆上林苑承光館包陽館大基館當路館並見  
苑中館 鹿館外戚傳成

帝許美人在上林 鼎郊觀見關  
鹿館數召入飾室 虎圈館關中記曰虎圈  
觀博望觀樛木觀便門觀泉鹿觀走馬觀則陽觀陰德

觀並在上林中漢書文帝登虎圈問上林尉禽獸簿又

馮徒仔當熊處郡國志曰虎  
圈在通化門東二十五里

昆池觀

朗池觀

博望觀

樛木觀

便門觀

衆鹿觀

走馬觀

則陽觀

陰德觀

並見上

燕昇觀

象觀

白鹿觀

三爵觀

椒唐觀

元華觀

郎池觀

益樂觀

華元觀

明光觀

以上皆在上林苑  
中見三輔黃圖

西陂池

三輔黃圖曰長安有西陂池  
東陂池郎池皆在上林中

東陂池郎池

並見

葡萄宮

漢書曰元壽二年單于來朝舍之上林苑葡萄  
宮括地志曰以太歲厭勝所在舍之北宮十道

志曰在上林西

犬臺宮

江充召見犬臺宮晉灼曰黃圖上林有  
犬臺宮外有走狗觀師古曰今書本犬

臺有作太壹字誤  
也漢無太壹宮

走狗觀

見蠶室  
減宣怒其吏成信信  
亡藏上林中宣使郿

令將吏卒闌入  
上林中蠶室門

龍臺

上林賦曰登龍臺在豐  
水西北近渭今鄠縣也

牟首池

霍

傳牟首池名  
在上林苑中  
虢氏館

武帝求神君舍之上林中虢氏館如淳曰  
虢音蹄鄭氏曰音斯師古曰鄭音是

其字從石從虎初池靡池劍池積草池西京雜記積草池中有一丈二尺一

本三柯上有四百六十三枝南越王趙佗所獻號曰烽火樹夜有光景常欲然喻池菌鶴池當

路池大臺池以上見三輔黃圖出括地志

右山林苑

闕中記曰上林苑門十二中有苑三十六宮十二觀二十五建章宮承光

宮儲元宮包陽宮尸陽宮望廐宮犬臺宮宣曲宮昭臺宮葡萄宮蘭觀平樂觀博望觀益樂觀

便門觀衆鹿觀樛木觀三禹觀陽祿觀陽德觀鼎郊觀椒唐觀當路觀則陽觀走馬觀虎園觀

上蘭觀昆池觀豫章觀郎池觀華光觀以上十宮二十一觀在上林苑中鼎胡宮步高宮步

壽宮存神宮集靈宮望仙觀以上五宮一觀在京兆屬縣櫟陽宮甘槃宮師德宮池宮谷口宮



長平宮扶荔宮白渠觀以上七宮一觀在馮翊首陽宮望仙宮長揚宮禮陽宮羽陽宮山築宮

棗陀宮用取宮號宮同宮宜春觀射熊觀以上十宮一觀在扶風長門宮鈎弋宮渭橋宮仙人觀霸宮觀安臺觀臨阻觀

以上三宮四觀在長安城外

作室門見成帝紀溫調殿昆德殿長年殿麒麟殿朱鳥殿龍

興殿含章殿漢宮閣名有麒麟殿朱鳥殿函德殿漢書曰宣帝神爵元年金芝九莖產

于函德殿銅池中服虔曰金芝色像金也如淳曰函亦舍也銅池承雷晉灼曰以銅作池也師古曰函德殿名

也東明閣漢宮閣名長安有東明閣西華閣紫闈閣西華閣紫闈閣並見馬

伯騫樓漢宮閣名曰長安有馬伯騫樓又有貞女樓貞女樓見三期亭樓見三輔

獲福殿

下並見漢宮闕名

清暑殿商門殿銅桂殿尋真臺

漢武帝內

傳曰帝登尋真之臺齋至七月七日夜天西南如白雲起項王母至

右總叙殿閣

以上不書所在故載于此

五柞宮

漢書曰武帝後元二年幸蓋屋五柞宮張宴曰有五柞樹因以名燕刺王旦傳作柞注與柞

同丙吉傳曰後元二年武帝疾往來長楊五柞宮師古曰長楊五柞宮並在蓋屋往來二宮之間西京雜記曰五柞宮有五柞樹皆連三抱上枝覆蔭數十畝其宮西有青梧觀水經注曰南山耿谷北流與柳泉合東北經五柞西長楊五柞二宮  
青梧觀一作桐西京雜記曰觀去八里中有青梧觀  
前有三梧桐樹下有石麒麟二枚刊其脇為文字是秦始皇驪山墓上物頭高一丈三尺東邊者左脚折折處赤如血父老謂有神皆

行血屬筋馬

### 宜春宮

漢書曰建元三年武帝微行始出北至池陽西至黃山南獵長楊東

游宜春師古曰宜春宮也在長安城東南說者乃以為在鄠非也在鄠者自是宜春觀耳在長安城西

豈得言東遊也郭璞曰在渭南杜縣東又上林賦注師古曰宜春宮在杜縣東即今四池是其處也

### 宣曲

### 宮

張揖曰在昆明池西

晉灼曰昆明宮黃天梁宮龍臺觀

張揖曰在豐細柳觀郭璞曰在飛廉觀觀一作館元封二年作甘泉通

水西北近渭天臺長安飛廉館應劭曰飛廉神禽能致風氣明帝永平五年至長安迎取飛廉并銅馬置上西門外名平樂館

董卓悉銷以為錢晉灼曰身似鹿頭如爵有角而蛇尾文如豹文

### 桂宮

郊祀志長安作飛廉觀桂館

### 萑陽宮

漢書曰萑陽宮秦文王起武帝微行長楊五柞倍陽宣曲尤幸師古曰倍陽即萑陽其音同耳

宮名在鄂縣宣帝甘露二年幸萑陽宮應劭曰宮在鄂秦文王所起伏儼曰在扶風李斐曰萑音倍師古曰應

說李屬玉觀服虔曰以玉飾因名焉在右扶風李奇曰音是屬玉觀屬玉鸞鳥其上有此鳥因以為名晉灼曰

屬玉水鳥似鸚鵡以名觀也師池陽宮宣帝甘露二年古曰晉說是也屬音之欲反

陽宮上登長平阪詔單于毋謁蠻夷君長王侯數萬咸迎於渭下夾道陳上登渭橋咸稱萬歲如淳曰阪名也

在曲陽南上原之阪有長平觀去長安五十里師古曰涇水之南原即今所謂睦城阪長平觀見

觀或作館元后登長白鶴館元帝初元三年黃山宮右平館臨涇水而覽焉茂陵白鶴館災黃山宮扶

風槐里縣有黃山宮孝惠二年起東方朔傳蘭池觀三曰武帝微行西至黃山宮世謂之遊城非也

黃圖曰蘭池觀在城外又楊僕傳蘭池宮在渭城李善注文選咸陽縣東南三十里周氏陂陂南一里有漢蘭

池霸城觀

見枳道

宜春觀

在鄆縣

長門宮

顧成廟無宿宮寶太主獻長門

園如淳曰園在長門長門在長安城東南園可以為宿館處所故獻之上大喜更名寶太主園為長門宮今按

漢時長安城無名長門者雲林館

宣帝霍皇后廢處雲陽宮

人徙雲陽宮

集靈觀

三輔黃圖曰武帝起集靈觀

臨山觀

漢宮殿名曰長安有臨山觀渭

橋觀九華觀豫章觀鴻雀觀昆明觀走馬觀華光觀天梯觀瑤臺觀流渠觀相思觀宜春觀華池觀射熊觀當

市觀白渠觀三

渭橋觀九華觀豫章觀鴻雀觀昆明觀走馬

觀華光觀天梯觀瑤臺觀流渠觀相思觀華池觀射熊觀

當市觀白渠觀三雀觀温德觀

並見

霸昌觀

王莽傳王尋發長安

宿霸昌廡師古曰霸昌觀之龍淵宮漢書曰元光三年

廡也三輔黃圖曰在城外

龍淵宮

救決河起龍淵宮

服虔曰宮在長安西作銅飛龍故以名宮也如淳曰三輔黃圖云有龍淵宮今長安城西有其處溝洫志救河決爾起龍淵宮於其傍孟康曰在西平界其水可用淬刀劍特堅利古龍淵之劍取於此水師古曰此言救河決起龍淵宮即宮不在長安之西矣又漢章帝賜尚書韓稜龍淵劍孟說是也漢宮闕名在長安 鼓簧

宮首山宮交門宮萬歲宮夜光宮扶荔宮

自鼓簧而下並見漢宮闕

名在長安

步壽宮

漢書宣帝神爵二年鳳皇集棂初成於所集處得玉寶乃起步壽宮在今華原縣境

高靈館

漢武故事曰上自封禪後夢高祖坐明堂羣臣亦同所夢乃祀高祖於明堂以配天還作高靈

館 曲臺

漢書成帝正月行幸曲臺臨饗罷衛士如淳曰諸衛士更盡得代去故天子自臨而饗之 昭

靈館

霍光營起三出闕築神道北臨昭靈承恩館見平南出承恩服虔曰昭靈承恩皆館名

陽宮

郊祀志雍大雨械陽宮蘇武傳從至僊人觀安臺壞平陽宮垣

觀淪沮觀烏魚觀董賢觀倉龍觀

以上見三望仙宮廟輔黃圖

望仙宮漢武置或云觀黃圖鄠縣有望仙觀

右總叙宮館

張平子西京賦曰郡國宮館百四十五右極蓋屋并卷豐鄠

思賢苑

西京雜記曰文帝為太子立思賢苑以招賓博望苑漢書曰武帝年

子甚喜太子冠為立博望苑使通賓客從其所好又曰博望先在長安城南杜門外又曰成帝建始二年罷太子博望苑文穎曰武帝為衛太子作此苑令受賓客水經注曰昆明池故渠之右有博望苑甲觀帝

在太子宮生成帝甲觀畫堂應劭曰甲觀在太子宮甲地生用乳生也畫堂畫九子母如淳曰甲觀觀名畫堂堂名三輔黃圖云太子宮有甲觀師古曰甲者甲乙丙丁之次也元后傳言見於丙殿此其例也而應氏以為在宮之甲地謬矣畫堂但畫飾耳豈必九子母乎丙殿霍光止畫室中是則宮殿中通有彩畫之堂室元后初入太子宮見丙殿

### 右太子宮

水衡禁園宜春下苑

孟康曰宮名也在杜縣東晉灼曰史記云葬二世杜南宜春苑中師

古曰宜春下苑即今京城東南隅曲池是又貢禹傳省宜春下苑以與貧民

少府攸飛外池

如淳曰漢儀法攸飛具增綴以射鳧鴈給祭祀是故有池

嚴禦池田晉灼曰嚴禦射苑也許慎曰池



田苑中  
田也

### 樂游苑

宣帝神爵三年起樂游苑師古曰三輔黃圖云在杜陵西北又關中記曰宣帝

立廟於曲池之北號樂游按其處則今之所呼樂游廟是也其餘基尚可識焉蓋本為苑後因立廟西京雜記曰樂游苑自生玫瑰樹下多首蓿一名懷風時人或謂之光風風在其間常肅然日照其花有光采故名曰首蓿懷風茂陵人謂之連支草

### 御宿苑

元后夏游御宿鄠杜之間師古曰御宿苑在長安城南今之御

宿川是也三秦記曰御宿出粟十五枚一升大梨如五升落地則破其取梨先以布囊承之號曰含消即此園也括地志曰臣泰案其粟味甘而小不如三秦記所說含消梨人間往往有之其大不至五升亦不出此川矣

### 御羞苑

漢書曰武帝元鼎二年初置水衡都尉掌上林苑有五丞屬官有御羞禁園令丞如淳曰御羞

地名在藍田其土肥沃多出御物可進者揚雄謂之御宿三輔黃圖御羞宜春皆苑名也師古曰御宿即今長安

城南御宿川也不在藍田羞宿聲相近故或云御羞或云御宿耳羞者珍羞所出宿者止宿之義

池 西京雜記曰戚夫人侍兒賈佩蘭說宮中常以七月七日臨百子池作于滇樂畢以五色縷相羈為連愛

王渠 哀帝為董賢治大第開門鄉北闕引王渠灌園池使者護作蘇林曰王渠宮渠也猶今御溝晉灼曰

渠名在城凍覆蓋門獅子圈 三輔故事曰獅子圈漢外師古曰晉說是 圈在建章宮西南

殿疏有窺圈有獅子圈武帝造故虎圈周匝三十五步長二十步西去長安十五里

### 右池苑

## 長安志卷四